

**Mbete kí
Judi
ndàngì**

**Ta-je kí dɔ mbete-ti kí Judi
ndàngì**

Judi ndàngì mbete kí gɔji kin adi dow-je kí Lubə ɓa-dé, ndigi-dé ɓá ngəm-dé adi Jeju Kristi (Lo ndó-é kí 1). To njékadmɛɛ-je kí rá ɓá ɛ ndàngì mbete lé adi-dé kàrè dow gə al. Ɛ ndàngì mbete ndəji-dé-né sobi dɔ njéndó dow-je né-je kí ngəm kí njékisi dan majal-ti. Njèndàngì mbete lé tɔji rɔ-é kí n'to «Judi, ngonnjèkullə lə Jeju Kristi, n'to ngonkɔ Jaki» (Lo ndó-é kí 1). A to Jaki kinlé ya ɓá ndàngì mbete kí ri-é tò dɔ-ti mɛɛ kunmindi-ti kí sigi ('Ndó ta-je kí dɔ mbete-ti kí Jaki ndàngì). Judi dɛ kì Jaki 'to ngankɔ Jeju ('Ndó Mat 13:55; Mar 6:3). Néndó-je kí ngəm lé isi taa lo adi Judi inə kɔ ta kí dɔsɔy ə təl ulə dingəm mɛɛ dow-je kí ɛ ndàngì mbete kin kdɔ kadi-dé lé, kdɔ kadi 'rɔ kdɔ kadmɛɛ (Lo ndó-é kí 3). Dan njèndàngì mbete kunmindi kí sigi lé, dow kí pa ta kí dɔ ta kí gangi-ti lə njékəɗta-je kin ngə nɔ asi kì Judi ya goto. Ta kí gangi kí sobi dɔ majal kí tò mɛɛ Kunmindi-ti kí Low rəm, ɓá ɛ kí tò mɛɛ mbete-je-ti kí rangi kí goto mɛɛ Kunmindi-ti kí Low rəm lay ya Judi təl un pa mɛɛ mbete-ti kinlé. Ta-je lə njèkɔwkulə Piyər kí pa mɛɛ Mbete-ti liə (2Pi 2:1–3:4) kin kàrè ɛ pa tɔ. Ɛ ole mɛɛ dow-

je kí ɛ ndàngi mbete adi-dé, kí njékɔwkułə-je lə 'Babe Jeju Kristi 'pa ta-é kete kí ko dow-je kí bè kin d'a ree nɔɔ, bá ɛ ulə dingəm meɛ-dé-ti kadi d'a gərərə dɔ kadmɛɛ-ti. Ʒ tɔl ta mbete liə kì tərndi dɔ dow-je-ti kí ɛ ndàngi mbete adi-dé rəm bá ɛ ɔsi gajì Lubə rəm.

Tɔji rɔ kì lapiya kí ra

¹ †Ma Judi ngonnjèkullə lə Jeju Kristi rəm, ngonkɔ Jaki rəm, bá m'ndàngi mbete kin m'adi-si sɔi kí Lubə kí Bɔbi-ji ba-si rəm, ində-si dan kəm-é-ti rəm, bá ngəm-si kɔ Jeju Kristi.

² Kadi Lubə adi koo kəmtondoo, kì lapiya, kì ndigi liə tò mburuki-mburuki dɔ-si-ti!

*Njékilə kuji dɔ Lubə-ti al kì kullə ra-dé-je
2Pi 2:1-22; 3:1-3*

³ Sɔi kí m'ində-si dan kəm-m-ti, kaji lə-ji kí j'ori-nə dɔ-ti lé low nɔ ya bo ndàngi ta kí sɔbi dɔ-é kadi-si ra-m loti-loti, ngà kí nè kinlé m'oo kí tò dɔ-m-ti kadi m'ndàngi m'adi-si kɔ kadi m'ulə-né dingəm meɛ-si-ti kadi 'roi dɔ kadmɛɛ-ti kí Lubə adi njékaa njay-je nja káre-rè ya sartagangi.

⁴ Kɔtalə dow-je madi 'tandi dan-si-ti nɔɔ ə to dow-je kí ta kí gangi kí dɔ-dé-ti kàrè ta-é toki ndàngi low nɔ rəm ngá. Dɛ d'ilə kuji dɔ Lubə-ti lə-ji al, adi ta lə ramaji liə kin bá tɔl to jirə ra kaya lə-dé rəm, bá Ngar lə-ji kí káre-rè kí to 'Babe Jeju Kristi kin kàrè 'naji 'panè 'gə-é al rəm tɔ.

† **1:1 1:1** Mat 13:55; Mar 6:3

⁵ To né-je kí 'gøi lay ya ngá, ngà m'ndigi kole mee-si dɔ-ti kí ndɔki 'Babe taa Israyel-je kí 'to gin dow-je liə ilə-dé taá dɔnangi Ejipti-ti ya, ngá go-ti adi njémɛɛngɔ-je d'oy.

⁶ Malayka-je kí 'ngəm kasi gaki lə-dé al, ngá d'inə lo kisi-dé kí sobi dɔ-dé lé, 'Babe ilə-dé sil kilə kí sartagangi kiring lo kí ndul-ti kɔɔ ngəbi-né ndɔ kí boy kí to ndɔ gangta.

⁷ Bè ya tɔ, loki dow-je kí Sɔdɔm kɪ Gɔmɔr kɪ bebo-je kí tɔ sə-dé ngɔsi d'ungɪ-nɔ ko kaya-é-ti kin adi 'ra kaya d'ur-né kɔbi-ti kí dum lé, Lubə un pər kí tɔ sartagangi b́a adi-dé-né kɔ kadi dow-je d'oo-né tɔ.

⁸ Lay bè ya kàrè, dowbé-je kí 'tandi dan-si-ti kinlé, tagir-je lə-dé kí mee wəy ra adi d'un rɔ-dé 'ra-né né kí tɔ nɛ rəm, 'nədi tɔgi kí 'Babe ɔw-né dɔ-dé-ti rəm, b́a 'pa ta kí maji al dɔ njériba-je-ti* rəm tɔ.

⁹ † Misəl kí to káre dan 'boy-je-ti lə malayka-je kin ya kàrè, loki mbatɪ ta ta Sú-ti ə naji-é-né ta-ti kí sobi dɔ nin Moiyiji lé, ɛ pa ta kí maji al dɔ-é-ti gangɪ-né ta dɔ-é-ti al. Ngá Misəl lé panè: Kadi 'Babe ndángɪ-i!

¹⁰ Ngá dowbé-je kinlé, né kí 'gø al ya kàrè 'pa ta kí maji al dɔ-ti ə dɛ lé négə lə-dé kí koji-dé-ti kí toki négə lə dɔ-je bè kinlé, tɔ kɔɔ tujɪ lə-dé ya pər.

¹¹ Tujɪ à kusi dɔ-dé-ti! Kɔɔtalə dɛ d'un dɔ nja Kayin; ə ta lə là ya dɛ d'inə-né rɔ-dé yaki 'ndaji-

* **1:8 1:8 *Njériba-je*** kinlé dow-je madi 'panè to ndil-je, dɛ kí nɔ-je 'panè to Malayka-je ə dɛ kí rangɪ 'panè to ta kí sobi dɔ dow-je kí ri-dé b́a nɔ tɔ. † **1:9 1:9** Ntd 12:7

né kullə dəkındə lə Balam rəm, fá ko dɔngə lə Kore adi d'oy kɔgi rəm tɔ.

¹² Dɛ fá 'to njéjunglu lo nékuso nam lə-si. D'ilə rɔsɔl kɔgi ya d'uso né ublu-ublu ə kəm-dé tò kɪ dɔ rɔ-dé dɛ-ti ya. 'Tanə kí ndi kí ɔw kɪ kədi al ya kàrè ijə damdər fá yəl ɔr-é kɔgi kin bè rəm, 'tanə kɪ kagi-je kí d'a kandi nɔykada ya rəmə d'andi al kin bè rəm, d'ɔr-dé kɪ njirə-dé burə, d'oy nja joo;

¹³ 'tanə kɪ pungum man babo kí tal bum-bum ə ungi əm-é kí tò nɛ ndaa-ti kin bè rəm, 'tanə kɪ kərwəj-je kí njékilə mbuu ə Lubə ra lo kí ndul ndi-ndi kí à tò sartagangi ya isi ngəbi-dé-né kin bè.

¹⁴ Enəki kí to gin ka kí njèkungi-ti siri go Adam-ti lé kàrè, pa ta kí ta Lubə-ti sɔbi-né dɔ dowbé-je kinlé panè: «Ooi, 'Babe à ree kɪ kosi malayka-je liə kí d'aa njay kí kɔr-dé ra budoɔgi dɔgi lo nɔ

¹⁵ kɔo gangi-né ta dɔ-dé-ti lay rəm, kɔo kadi dow-je lay kí njékilə kuji dɔ Lubə-ti al lé, d'ɔr go kullə ra-dé-je lay kí ɔsi ta Lubə rəm, d'ɔr go ta-je lay kí ngə-ngə kí 'pa d'ɔsi-né Lubə kɪ ta kin rəm tɔ.»

¹⁶ Dowbé-je kinlé, 'to njéyun ta-je, kɪ njébaa ta-je, kɪ njéra kəmnda né-je. Dɛ 'tidə ta-je kí al dɔ-dé dɔ-dé d'ədi-né kəm dow-je kɔo kingə-né né ji-dé-ti.

¹⁷ Ngə səi kí j'ində-si dan kəm-ji-ti lé, né-je kí ndəki njékɔwkulə-je lə 'Babe lə-ji Jeju Kristi 'pa ta-é d'adi-si kinlé, adi mɛɛ-si ole dɔ-ti.

¹⁸ †Ndəki d'idə-si 'panè: «Kaglo-je-ti kí dɔbəy-ti lé, dow-je d'a to njəsəklo-je ə d'a ra né-je kí

† 1:18 1:18 2Pi 3:3

ilə kuji dɔ Lubə-ti al kí go gangi-é-ti kí kəmənda-é ra-dé-né.»

¹⁹ Ooi, dowbé-je lé ya ngá éñ! Dɛ 'to njéra dow-je kadi 'gángi-n̄a, 'to njéra né kí daji rɔ-dé ndigi, 'to dow-je kí Ndil kí aa njay goto mɛɛ-dé-ti.

Ta kullə dingəm mɛɛ-n̄a-ti

²⁰ Ngà sɛi kí j'ində-si dan kəm-ji-ti kinlé, sɛi ya k̄i dɔ rɔ-si 'mbusi nja-n̄a dɔ kadmɛɛ-ti lə-si kí aa njay kin rəm, 'pai ta k̄i Lubə k̄i takul Ndil kí aa njay rəm,

²¹ ʔi gərərə mɛɛ ndigi-n̄a-ti lə Lubə 'ngəbi-né koo kəmtondoo lə 'Babe lə-ji Jeju Kristi kɔɔ kiskəm kí tò sartangani.

²² Dɛ kí n̄a-je kí 'tadi tii-tii lé, ooi kəmtondoo lə-dé

²³ adi to kaji kí kadi aji-dé ta pər-ti. Ngà dɛ kí dan-ti-je rəmə, ooi kəmtondoo lə-dé k̄i bəl mɛɛ-si-ti, ə itəi majal-je lə-dé ngərəngi k̄i kubi-je kí rɔ-dé-ti burə titi né kí kubi-je lə-dé k̄arè majal ra adi tò n̄ɛ bə tɔ.

²⁴ Njəkasi ngəm-si kadi kusi ya usi al, kí to njəkadi ʔi dan rɔnəl-ti lo rifa-ti liə k̄i ta dɔ-si-ti al kinlé,

²⁵ to Lubə ya k̄i kár-é, Njəkaji-ji k̄i takul 'Babe lə-ji Jeju Kristi. Low lə low-je rəm, bəne bə kin rəm, bá k̄i dɔ bal-bal rəm kin ya kadi kɔsgaji, k̄i kɔbɛ, k̄i rɔnḡa, k̄i tógi to kí liə! Amɛn!

Mango
Mango: Ta lə Lubə Kunmindi kí Sigi (New
Testament)

copyright © 2018 Wycliffe Bible Translators, Inc.

Language: Mango

Contributor: Wycliffe Bible Translators, Inc.

All rights reserved.

2025-05-13

PDF generated using Haiola and XeLaTeX on 13 May 2025 from source
files dated 13 May 2025

96bdbd07-24d6-556c-9e7c-7269c72880cd